

**TEZAUUR LITURGIC**  
**19 SEPTEMBRIE**

**ACATISTUL**  
**SF. PREOT-MUCENIC**  
**NICOLAE**  
**MIHAILICENKO**  
**DE LA ISKROV**  
**II**



**MOSCOVA, 2000**



# **Акафист**

## **священномученику Николаю, пресвитеру Искровскому**

### **Кондак 1**

Избранный угодниче Божий, цвете земли нашея, во времена гонения безбожнаго подвиг свой совершивший, священномучениче отче Николае, величающепрославльшаго тя Господа, от глубины сердец наших воспеваем ти похвальная, ты же, яко дерзновенный о нас предстателю, от всяких бед молитвами твоими заступи нас, вопиющих ти:

Радуйся, священномучениче отче Николае, твердыйисповедниче веры Православныя.

### **Икос 1**

Ангелов Творец и Создатель вселенныя благоволил есть явити тя в час испытаний земли нашея и поставити, яко свещу на светильнице, да светит всем человеком. Мы же, дивящеся таковому о тебе промышлению, с радостиюи благоговением дерзаем вопити тебе сице:

Радуйся, воине Христов неустрашимый;

Радуйся, в испытаниях непобедимый.

Радуйся, добрый пастырю овец словесных;

Радуйся, наследниче венцев небесных.

Радуйся, о спасении паствы твоея непрестанное помышление имевый;

Радуйся, в покаянии и молитве ея на всяк день утверждавый.

Радуйся, прозорливый душ врачевателю;

Радуйся, благодатных даров раздаятелю.

Радуйся, священномучениче отче Николае, твердый исповедниче веры Православных.

## **Кондак 2**

Видя Всеблагий Господь сердца твоего по Нем неугасимое горение, чистоту души и ревность пламенную о вере, избра ты в пастыря овец Своих. Ты же, отче, николиже дара Господня посрамивый, явился еси Церкви столп непоколебимый. Сего ради мы, молитвами твоими заступаеми, вопием Богу: Аллилуия.

## Икос 2

Разум просвещенный от Господа имея, отче Николае, и устроение души благодатное стяжав, на всяк день светом Господним просвещал еси паству твою. Наипаче же веру православную хранить и во испытанияхнашедших духа не угашати учил еси. Мы же, видящетаковую ревность твою по Бозе, вопием ти тако:

Радуйся, святителя Николая  
Чудотворца соименниче;

Радуйся, славы его небесныя сопричастниче.

Радуйся, ревности в вере великаго святителя подражателю;

Радуйся, даров Господних стяжателю.

Радуйся, души людския от пленения бесовскагоизбавляяй;

Радуйся, небесный жителю, молитвам паствы земныянеустанно внимаяй.

Радуйся, в годину испытаний лютых светильника души твоея не угасивый;

Радуйся, молитву ко Господу в сердце твоём непрестанно имевый.

Радуйся, священномучениче отче Николае, твердый исповедниче веры Православных.

### **Кондак 3**

Сила Вышняго благодатная  
осени тя, священномучениче Николае, егда пред  
мучители твоими предстал еси,  
страдания бо лютая безропотно претерпел еси.  
Мы же, мужеству твоему непрестанно дивящися,  
Господу вопием: Аллилуия.

### **Икос 3**

Веру имея нелицемерную, мучеником древним  
подражал еси, отче  
Николае, егда найде испытания час, темже не  
посрами Господь упования твоего. Мы  
же, почитающе страдания твоя,  
дерзаем вопити ти:

Радуйся, адаманте Господень,  
во страданиях непоколебимый;

Радуйся, мужества носителю неодолимый.

Радуйся, прозорливости дар от  
Господа стяжавый;

Радуйся, волю Господню о тебе прозревый.

Радуйся, яко трудами твоими источник  
целебный Господь даровал еси;

Радуйся, яко о многих чудесех от него предрекл еси.

Радуйся, Бога всем житием твоим прославивый;

Радуйся, человекозавистца подвиги своими посрамивый.

Радуйся, священномучениче отче Николае, твердый исповедниче веры Православныя.

#### **Кондак 4**

Буря помрачи разум людей, егда начаша от веры отступати и беззакония деяти. Ты же, отче святой, не преставал еси вразумляти паству твою и молити Господа о помиловании ея, вопиюще Ему из глубины сердца твоего: Аллилуия.

#### **Икос 4**

Слышаша людие о тебе, яко о дивном пастыре, устремляшеся в весь Искровскую и внимаше глаголом уст твоих в храме, идеже ты, отче, Богу служил еси. Темже и мы, любовью и молитвами твоими окриляеми, вопием ти:

Радуйся, отче кроткий и милостивый;

Радуйся, пастырю богодарованный.

Радуйся, в сердце твоём радость  
непрестанно имевый;

Радуйся, светом веры сердца паствы осветивый.

Радуйся, в скорбех и болезнях телесных  
скорый помощниче.

Радуйся, духовных недугов целебниче

Радуйся, неправых деяний обличителю;

Радуйся, согрешивших кроткий вразумителю.

Радуйся, священномучениче отче Николае, тверд  
ый исповедниче веры Православных.

### **Кондак 5**

Боготечною звездою  
явился еси, священномучениче Николае, среди  
тьмы безбожия светом  
Господним верныя освещающий и стадо  
Христово на путь покаяния направляющий и  
вся научающий Богу взывати: Аллилуия.

### **Икос 5**

Видяще людие веси Искровския и близлежащих  
селений тя, благочестия подвижника, к  
духовному заступлению твоему притекаше.  
Ныне же вси зрим тя пердстателя пред  
Богом неусыпна и ходатая о нам милостиваго,

сего ради ныне, к тебе притекше и на заступничество твое уповая, вопием с радостью сице:

Радуйся, угодниче Божий, небесною славою сияющий;

Радуйся, молитвою твоею всех христиан ограждающий.

Радуйся, светильниче, землю нашу осиявающий;

Радуйся, в мире и благоденствии ю сохраняющий.

Радуйся, сонма новомучеников причастниче;

Радуйся, с ними о нас присный молитвенниче.

Радуйся, от падений греховных нас ограждающий;

Радуйся, на путь правды нас премудре наставляющий.

Радуйся, священномучениче отче Николае, твердый исповедниче веры Православных.

### **Кондак 6**

Проповедует святая Церковь подвиги и труды твоя, священномучениче отче Николае, и почитает страдания твоя, яже претерпел еси от

рук беззаконных и, память твою воспевающе, вопиет Богу: Аллилуия.

## **Икос 6**

Возсиял еси светом богоразумия, отче Николае, вся концы земли нашае лучами благодатными веры Христовыя освещаяй и к подвигу исповедничества вся призываяй, темже мы, крепость веры твояе зряще, со удивлением дерзаем прославляти тя словесы сими:

Радуйся, пред мучители крепость веры своея явивый;

Радуйся, смертью своею житие непорочное запечатлевый.

Радуйся, на колесницу мучений возшедый;

Радуйся, страстьми Царствия Небеснаго достигнувый.

Радуйся, одеяния души кровьюми своими убеливый;

Радуйся, венец мученический преславно приявый.

Радуйся, душу свою за Христа положивый;

Радуйся, подвигом своим нас в Православии укрепивый.

Радуйся, священномучениче отче Николае,  
твердый исповедниче веры Православных.

### **Кондак 7**

Хотя веру до конца сохранить и  
Царствия Небеснаго достигнути, страдания  
лютая  
претерпел еси, священномучениче всеславне,  
сего ради по кончине же твоей чудеса  
многая людем явил еси. Мы же, дивная дела  
Господня на тебе зряще, во умилении сердец  
наших воспеваем Богу: Аллилуия.

### **Икос 7**

Новаго мученика яви тя Господь, отче Николае,  
в годину лютых испытаний, нашедших на  
Церковь Христову, жития бо земнаго не  
пощадил еси, да Царствие небесное  
унаследовал еси. Мы же, страдания  
твоя поминающе, непрестанно  
воспеваем ти сицевая:

Радуйся, гонителей не убоявыйся;

Радуйся, мучений лютых не устаршивыйся.

Радуйся, страсти телесныя презревый;

Радуйся, демонския немощныя дерзости посрам  
ивый;

Радуйся, яко злато в горниле очистился еси;

Радуйся, яко чистою душею пред Судиею  
Небесным предстал еси.

Радуйся, к лику священномучеников  
сопричтенный;

Радуйся, на Небеси и на земли прославленный.

Радуйся, священномучениче отче Николае,  
твердый исповедниче веры Православныя.

### **Кондак 8**

Странствие

жития земнаго богоугодне совершив, веру  
соблюл еси, страдания за Христа претерпел еси,  
венец мученический восприял еси от Создателя  
твоего и во обителях Небесных  
водворился еси, идеже,  
вечною радостью наслаждаяся,  
не престаеши воспевати Господеви: Аллилуия.

### **Икос 8**

Всем воистину помощник являешися,  
притекающим к раце мощей  
твоих, священномучениче Николае, коегождо мол  
ение скоро слышаше и исполнение прошения на  
пользу подающе. Темже и наших молитв

не отвратися, но милостию твоею заступи всех,  
вопиющих ти таковая:

Радуйся, весь мир любовью обнимающий;

Радуйся, спасения многих взыскующий.

Радуйся, крепкое падающих возведение;

Радуйся, право стоящим утверждение.

Радуйся, путь ко спасению нам возвещающий;

Радуйся, враги наша устрашающий.

Радуйся, мира церковного охранение;

Радуйся, земли наша крепкое ограждение.

Радуйся, священномучениче отче Николае,  
твердый исповедниче веры Православных.

### **Кондак 9**

Всякия разреши сомнения, от маловерия на  
нас находящая, отче Николае; души наша  
светом Господним просвети и за веру  
православную стояти до конца научи, дабы с  
тобою могли воспети Богу: Аллилуия.

### **Икос 9**

Вития многовещанья по долгу не  
возмогут воспети подвиги и чудеса  
твоя, ихже изливаеши преизобильно на

всех, ты в молитве призывающих и похвалы сицевыми прославляющих:

Радуйся, сопричастниче вечных радости,

Радуйся, приятелище божественных сладости;

Радуйся, всех святых со молитвениче,

Радуйся, христианом помошниче;

Радуйся, всеславное верных похваление,

Радуйся, сил адских устрашение;

Радуйся, житием своим светлосияющий,

Радуйся, и нас в доброделании укрепляющий;

Радуйся, священномучениче отче Николае, твердый исповедниче веры Православных.

### **Кондак 10**

Спасти хотя всех человеков Господь, на крови мучеников утверждая Церковь

Свою, постави ты, святой отче Николае, в

сонме новомучеников не токмо

на заступление веси Искровския, идеже ты

подвиг свой восприял еси, но всея земли нашея,

да вси вернии вопиют Ему: Аллилуия.

## Икос 10

Стена еси всем, воспевающим тя, отче Николае,  
и со умилением, почитающим память твою; яко  
помощь благовременну подаеши притекающим  
к тебе и от различных напастей свобождаеши.  
Сего ради прими от нас пения сицевая:

Радуйся, на Небеси славу стяжавый;

Радуйся, на земли нетлением мощей твоих  
прославленный.

Радуйся, яко тобою в молитве  
не ослабевати научаемся;

Радуйся, яко твоим заступлением благ  
различных сподобляемся.

Радуйся, путь спасения верным указующий;

Радуйся, от гибели вечныя нас избавляющий.

Радуйся, яко тобою на стези благочестия  
утверждаемся;

Радуйся, яко предстательством твоим жизнь  
вечная обретается,

Радуйся, священномучениче отче Николае,  
твердый исповедниче веры Православныя.

## **Кондак 11**

Пение Богу нашему паче  
иных принесл еси, святе Николае, и  
мученическим подвигом своим веру  
запечатлел еси, сего ради и Господь  
прият тя в вечныя обители, идеже ты со всеми  
святыми воспеваеши Ему песнь: Аллилуия.

## **Икос 11**

Светильника всесветла прославляем тя, отче  
Николае, светом  
Божественным бо озаряеши тьму жития нашего  
и души наша просвещаеши. Сего ради  
просим тя: не лиши света сего нас,  
вопиющих ти сице:

Радуйся, любовь Христову в сердце  
своем стяжавый;

Радуйся, сию пастве своей явивый.

Радуйся, пастырю добрый, душу свою за  
Христа положивый;

Радуйся, венец нетления от Него приявый.

Радуйся, благое иго Христово на рамена  
своя подъявый;

Радуйся, путем узким в Царствие  
Небесное возшедый.

Радуйся, страстьми Царствия Небеснаго достигнувый;

Радуйся, одеяния души кровьми своими убеливый,

Радуйся, священномучениче отче Николае, твердыйисповедниче веры Православныя.

### **Кондак 12**

Благодать, данную ти от Христа Бога, святе отче Николае, ведуще, веселимся светле, память твою совершающе и, воспевающе множество исцелений и чудес, помощию твоею содеянных, вопием Богу нашему: Аллилуия.

### **Икос 12**

Поем Богу, прославляющему святыя Своя, и тебе, священномучениче Николае, воспеваем похвальная; ты бо на небеси пребывающе, нас, земных, не оставляеши. Темже днесь, аще и недостойными есмы, обаче любовию побеждаеми и, вопием ти сие

Радуйся, любящим тя скорое вспоможение;

Радуйся, немощных благое заступление.

Радуйся, яко тобою от напастей избавляемся,

Радуйся, яко тобою благодати сподобляемся;

Радуйся, яко предстательством твоим жизнь вечная обретается,

Радуйся, яко молитвами твоими вера истинная познавается;

Радуйся, от напастей и скорбей нас свободяющий,

Радуйся, от греховных язв исцеляющий;

Радуйся, священномучениче отче Николае, твердый исповедниче веры Православных.

### **Кондак 13**

О, предивный угодниче Христов, священномучениче отче Николае, прими малое сие моление наше, в похвалу тебе возносимое; призри на нас, духом

немощих, многозаботливостию отягченных и грехми уязвленных, и моли Господа Иисуса Христа о спасении нашем, да обрящем милость Его в день Судный, и с тобою купно воспоим Ему: Аллилуия.

(читается трижды, затем Икос 1 и Кондак 1)